

JU OSNOVNA ŠKOLA «VLADISLAV SKARIĆ»
SARAJEVO

PRAVILNIK O IZMJENAMA I DOPUNAMA PRAVILNIKA O RADU

MART 2024. GODINE

BOSNA I HERCEGOVINA
 FEDERACIJA BOSNE I HERCEGOVINE
 KANTON SARAJEVO
 OPĆINA CENTAR
 JU OSNOVNA ŠKOLA “VLADISLAV SKARIĆ”, SARAJEVO

Na osnovu člana 118. Zakona o radu („Službene novine Federacije BiH“, br. 26/16, 89/18 i 44/22), člana 94. Zakona o osnovnom odgoju i obrazovanju (“Službene novine Kantona Sarajevo, br. 23/17, 33/17, 30/19, 34/20 i 33/21), Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo (“Službene novine Kantona Sarajevo”, br. 24/22, 40/22 i 7/24), člana 71. i 88. Pravila JU Osnovne škole “Vladislav Skarić” Sarajevo, broj: 01-316/12, od 21.06.2012. godine, člana 164. Pravilnika o radu (broj:01-1-4-326/22, od 23. 5. 2022. godine, uz konsultacije Sindikalne podružnice JU OŠ „Vladislav Skarić“ Sarajevo (Prijedlog i mišljenje Sindikata, broj:17/24, od 07. 3. 2024. godine) i na prijedlog direktora škole, **Školski odbor**, na **XX** sjednici održanoj dana **07. 3. 2024. godine**, jednoglasno donio je

PRAVILNIK O IZMJENAMA I DOPUNAMA PRAVILNIKA O RADU

Član 1.

(Dopuna člana 2.)

(Zasnivanje radnog odnosa)

U Pravilnik o radu, Javne ustanove Osnovna škola „Vladislav Skarić“ Sarajevo, broj:01-1-4-326/22, od 23. 5. 2022. godine, u članu 2. dodaju se novi stavovi (7), (8), (9), (10), (11) i (12) koji glase:

- “(7) Radnik koji je imenovan na funkciju pomoćnika direktora i ima ugovor o radu na neodređeno vrijeme u ustanovi, na njegov će zahtjev ugovor o radu mirovati do prestanka mandata, po proceduri utvrđenoj Zakonom, Kolektivnim ugovorom, podzakonskim aktom koji donosi ministar i ovim Pravilnikom.
- (8) U slučaju da je pomoćnik direktora imenovan na navedenu funkciju sa nepunim radnim vremenom, direktor je obavezan da sa imenovanim zaključi ugovor o radu na određeno vrijeme za poslove za koje ima zaključen osnovni ugovor za preostali dio radnog vremena.
- (9) Predsjednik Školskog odbora, nakon donošenja Odluke o imenovanju pomoćnika direktora i Odluke o mirovanju prava i obaveza iz radnog odnosa za pomoćnika direktora, zaključuje ugovor o radu sa imenovanim za obavljanje poslova pomoćnika direktora na period naveden u Odluci o imenovanju.
- (10) Radnik iz stava (7) ovog člana ima pravo vratiti se na rad u ustanovu u kojoj je prethodno radio, pod uvjetima utvrđenim Zakonom, Kolektivnim ugovorom, podzakonskim aktom koji donosi ministar i ovim Pravilnikom.
- (11) Ako je za sticanje određenih prava važno prethodno trajanje radnog odnosa sa ustanovom, radniku iz stava (7) ovog člana, nakon povratka na rad, period mirovanja ugovora o radu ubraja se u neprekinuto trajanje radnog odnosa.
- (12) Radnika iz stava (12) ovog člana do povratka na posao za koje mu ugovor o radu miruje zamjenjuju lica u radnom odnosu koji se zasniva isključivo na određeno vrijeme“.

Član 2.

(Izmjena tabele u članu 51. stav (2))

(Platni razredi)

U članu 51. stav (2) mijenja se tabela i glasi:

R/b	Platni razred	Poslovi - zvanja	Stepen stručne spreme	Novi koeficijent
2.	II	Direktor škole	VII ili II ciklus bolonje procesa (300 ECTS)	5,66
3.	III	Pomoćnik direktora (voditelj dijela nastavnog procesa) škole	VII ili II ciklus bolonje procesa (300 ECTS)	5,18
4.	IV	Viši savjetnik: Nastavnik Stručni saradnik savjetnik: Pedagog, psiholog, pedagog/psiholog, defektolog, logoped, asistent u odjeljenju, bibliotekar, socijalni radnik/socijalni pedagog, nastavnik u produženom boravku Sekretar, samostalni referent za plan i analizu, rukovalac nastavnom tehnikom (rukovalac nastavnom tehnikom i EMIS odgovorna osoba)	VII, I i II ciklus bolonje (180, 240, 300 ECTS)	4,83
5.	V	Savjetnik: Nastavnik Viši stručni saradnik: Pedagog, psiholog, pedagog-psiholog, defektolog, logoped, asistent u odjeljenju, bibliotekar, socijalni radnik/socijalni pedagog, nastavnik u produženom boravku Sekretar, samostalni referent za plan i analizu, rukovalac nastavnom tehnikom (rukovalac nastavnom tehnikom i EMIS odgovorna osoba)	VII, I i II ciklus bolonje (180, 240, 300 ECTS)	4,60
6.	VI	Mentor: Nastavnik Samostalni stručni saradnik: Pedagog, psiholog, pedagog-psiholog, defektolog, logoped, asistent u odjeljenju, bibliotekar, socijalni radnik/socijalni pedagog, nastavnik u produženom boravku Sekretar, samostalni referent za plan i analizu, rukovalac nastavnom tehnikom (rukovalac nastavnom tehnikom i EMIS odgovorna osoba)	VII, I i II ciklus bolonje (180, 240, 300 ECTS)	4,48
7.	VII	Nastavnik Pedagog, psiholog, pedagog-psiholog, defektolog, logoped, asistent u odjeljenju, bibliotekar, socijalni radnik/socijalni pedagog, nastavnik u produženom boravku Sekretar, samostalni referent za plan i analizu, rukovalac nastavnom tehnikom (rukovalac nastavnom tehnikom i EMIS odgovorna osoba)	VII, I i II ciklus bolonje (180, 240, 300 ECTS)	4,36
8.	VIII	Viši savjetnik: Nastavnik Stručni saradnik savjetnik: Administrativni radnik, nastavnik u produženom boravku	VI	4,48

		Radnik zatečen na poslovima pedagoga, psihologa, bibliotekara, socijalnog radnika, samostalnog referenta za plan i analizu, sekretara, rukovalac nastavnom tehnikom (rukovalac nastavnom tehnikom i EMIS odgovorna osoba)		
9.	IX	Savjetnik: Nastavnik <hr/> Viši stručni saradnik: Administrativni radnik, nastavnik u produženom boravku Radnik zatečen na poslovima pedagoga, psihologa, bibliotekara, socijalnog radnika, samostalnog referenta za plan i analizu, sekretara, rukovalac nastavnom tehnikom (rukovalac nastavnom tehnikom i EMIS odgovorna osoba)	VI	4,36
10.	X	Mentor: Nastavnik <hr/> Samostalni stručni saradnik: Administrativni radnik, nastavnik u produženom boravku Radnik zatečen na poslovima pedagoga, psihologa, bibliotekara, socijalnog radnika, samostalnog referenta za plan i analizu, sekretara, rukovalac nastavnom tehnikom (rukovalac nastavnom tehnikom i EMIS odgovorna osoba)	VI	4,24
11.	XI	Nastavnik <hr/> Administrativni radnik, nastavnik u produženom boravku Radnik zatečen na poslovima pedagoga, psihologa, bibliotekara, socijalnog radnika, samostalnog referenta za plan i analizu, sekretara, rukovalac nastavnom tehnikom (rukovalac nastavnom tehnikom i EMIS odgovorna osoba)	VI	4,13
12.	XII	Viši konsultant: . Nastavnik Radnik zatečen na poslovima bibliotekara, samostalnog referenta za plan i analizu, sekretara, administrativni radnik	IV	4,13
13.	XIII	Konsultant: Nastavnik Radnik zatečen na poslovima bibliotekara, samostalnog referenta za plan i analizu, sekretara, administrativni radnik	IV	4,00
14.	XIV	Mentor: Nastavnik Radnik zatečen na poslovima bibliotekara, samostalnog referenta za plan i analizu, sekretara, administrativni radnik	IV	3,88
15.	XV	Nastavnik Radnik zatečen na poslovima bibliotekara, samostalnog referenta za plan i analizu, sekretara, administrativnog radnika	IV	3,83
16.	XVI	Administrativno-računovodstveni radnik - viši referent	IV	3,18

17.	XVII	Administrativno-računovodstveni radnik - referent	IV	3,06
18.	XVIII	Administrativno-računovodstveni radnik - mlađi referent	IV	2,94
19.	XIX	Domar, ložač, kuhar, servirka/kuhar/za distribuciju obroka, domar/ložač/dnevni čuvar, dnevni čuvar/portir	III, IV	2,90
20.	XX	Noćni čuvar, dnevni čuvar	III, IV	2,59
21.	XXI	Spremačica, servirka	NK, IV	2,59

Član 3.

(Dopuna člana 53.)

(Napredovanje radnika)

U članu 53. dodaju se novi stavovi (7) i (8) koji glase:

“(7) Dio plaće koji pripada radniku koji obavlja tehničke i pomoćno-tehničke poslove u Školi (domar, ložač, kuhar, servirka/kuhar/za distribuciju obroka, domar/ložač/dnevni čuvar, dnevni čuvar/porter, noćni čuvar, dnevni čuvar, spremačica, servirka i sl.) po osnovu ocjene rada utvrđuje se kako slijedi:

a) za ocjenu "izuzetno uspješan" 5% od osnovne plaće,

b) za ocjenu "uspješan" 2% od osnovne plaće.

(8) Procenat na ime ocjene rada iz stava (7) ovog člana pripada radniku iz stava (7) na šestomjesečnom nivou, nakon šestomjesečnog praćenja rada radnika do sljedećeg ocjenjivanja“.

Dosadašnji stavovi (7) i (8) postaju stavovi (9) i (10).

Član 4.

(Novi član 53a.)

(Kriteriji za ocjenjivanje)

Za praćenje, vrednovanje i ocjenjivanje radnika koji obavljaju tehničke i pomoćno-tehničke poslove u Školi iz člana 53. stav (7) ovog Pravilnika, od strane direktora škole, utvrđuju se sljedeći kriteriji:

a) odgovornost na poslu (prisutnost na poslu, odgovornost i dosljednost u radu)...max. 5 bodova;

b) kvalitet i obim obavljenog posla i poštovanje zadanih rokova (poslove obavlja u cjelosti, ne odlaže izvršenje poslova)...max 5 bodova;

c) stručnost, kreativnost, samoinicijativnost i samostalnost u obavljanju poslova (poznaje pravila rada i struke, izvršava dodatne poslove u vezi sa zadacima radnog mjesta)...max 5 bodova;

d) odnos prema nadređenima, nastavnicima, učenicima i strankama (komunikacija i način ophođenja)...max 5 bodova.

Član 5.

(Izmjena člana 63.)

(Povećanje troškova života ili inflacije)

Član 63. mijenja se i glasi:

„ Član 63.

.. (1) U slučaju povećanja indeksa potrošačkih cijena mjerenih od strane Federalnog zavoda za statistiku, većih od 5% osnovica za utvrđivanje plaća će biti sporazumno povećana na mjesečnom nivou.

(2) Ukoliko se osnovna plaća isplaćuje u iznosu od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, u tom slučaju se na taj iznos vrši uvećanje plaće za 10%.“

Član 6.
(Izmjena člana 85.)
(Otpremnina za odlazak u penziju)

U članu 85. stav (1) mijenja se i glasi:

"(1) Radnik ima pravo na otpremninu prilikom odlaska u penziju u visini svojih šest ostvarenih prosječnih neto plaća isplaćenih u prethodnih pet mjeseci ili šest prosječnih mjesečnih neto plaća isplaćenih u Federaciji Bosne i Hercegovine prema posljednjem objavljenom podatku Federalnog zavoda za statistiku, ako je to za njega povoljnije."

Član 7.
(Dopuna člana 95.)
(Korištenje vremena kada učenici nemaju redovnu nastavu)

U članu 95. dodaje se stav (2) i glasi:

„(2) Direktor utvrđuje raspored radnog vremena za vrijeme raspusta za učenike, koji sadrži obim i mjesto obavljanja radnih zadataka, s tim da obim radnog vremena ne može biti utvrđen u većem obimu u odnosu na utvrđeno radno vrijeme za vrijeme nastavnog procesa.”

Član 8.
(Stupanje na snagu)

Ovaj Pravilnik o izmjenama i dopunama Pravilnika o radu Javne ustanove Osnovna škola „Vladislav Skarić“ Sarajevo stupa na snagu danom objavljivanja, a primjenjuje se od 01. 3. 2024. godine, izuzev člana 5. ovog Pravilnika, koji se primjenjuje od 01. 01. 2024. godine.

Broj:01-1-4-202/24
Sarajevo, 07. 3. 2024. godine

Dostavljeno:

- 1) Školski odbor,
- 2) Direktor škole,
- 3) Sindikalni povjerenik,
- 4) Oglasna ploča,
- 5) a/a.



PREDSJEDNIK ŠKOLSKOG ODBORA

Amir Salihović, prof.

Amir Salihović